



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

104. Quæsitum fuit, &c. Decretum de non anticipanda Vigilia S, Mathiæ
ratione carnis privii.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

in Clericali habitu honestè, & laudabiliter vixerit. Item concedi posse censuit eadem Indulta Referendaris utriusque Signaturæ; Familiaribus Summi Pontificis, Canonicis Cathedralis, vel etiam Collegiatae Ecclesiæ, eorumque Coadjutoribus, Magistris, seu etiam Baccalaureis in Sacris Theologia; Doctoribus utriusque, vel saltem Canonicis Juris, seu Licentiatis, dummodo singulos præfatos Gradus in publica, & approbata Universitate obtinuerint; his etiam, qui saltem per triennium sedulam Theologiæ studiis operam navaverint, ac tandem vigesimum sextum ætatis annum excedentibus, per triennium in Clericali habitu honestè, & laudabiliter vixerint.

Ex quibus non conceditur.

§. 3. E contra censuit non expedire, ut eadem Indulta concedantur ex eo, quod quis Diaconus, Subdiaconus, Litterarum Apostolicarum Scriptor sit, seu Magister in Artibus, Nobilis, aut Praefens in Curia, vel quod Philosophiæ cursum absolverit, aut alicui Ecclesiæ adscriptus fuerit, ad cuius servitii titulum ex Apostolico Indulto Clerici ordinari possunt, aut Onus Milliarum, non tamen ex Beneficio Ecclesiastico proveniens, habere se doceat.

Quibus denegatur

§. 4. Insuper censuit Indulta huiusmodi deneganda esse iis, qui aliqua Dispensatione indigent impedimenti ex eorum delicto provenientis, & Sede Episcopali vacante infra annum à die vacationis minime danda iis, qui Beneficii Ecclesiastici recepti, seu recipiendi occasione arctati non fuerint.

Pro quibus festis.

§. 5. Item nunquam concedenda pro Festivis diebus continuis, sed semper pro interpolatis aliquo temporis spatio arbitrio Episcopi definiendo.

De quibus certiorandi Episcopi, Nuntii Apostolici, & alii.

§. 6. Denique censuit Episcopos omnes, ac etiam Apostolicos Nuncios, & Legatos Litteris in forma Brevis circularibus admonendos, decrevisse Sanctitatem suam Indulta prædicta non ita passim, sed ex certis tantum, legitimisque causis concedere, nec Episcopos ad eorum executionem astringere, sed illam semper ipsorum arbitrio, onerata eorumdem conscientia, relinquere. Item per eadem Indulta licentiam non tribui promovendi quempiam ad Patrimonii titulum, nisi ad normam Concilii Trident. Sess. 21. cap. 2. Eos verò omnes, qui ab Apostolica Sede facultates obtinent conferendi Ordines extra Tempora, vel aliis respectivè tribuendi licentiam, ut conferant, maxime cavere debere, ne præscriptis sibi in iisdem facultatibus limites cuiusvis consuetudinis, aut exempli prætextu transgrediantur.

1693.

Hæc autem omnia, & singula superscripta Decreta, audita ex me integra eorum relatione, SS. D. N. laudavit, & approbavit, ac tam in Dataria, & Secretaria Brevium, quam à cæteris omnibus Ministris, & Officialibus Curia, ad quos pertinet, perpetuò, & inviolabiliter servari mandavit, sub lata omnibus quacumque facultate prædicta Indulta aliter, quam ad formam eorumdem Decretorum in posterum expediendi. Hac die 14. Decem. 1693.

Carolus Augustinus Fabronius Secr.

DECRETUM.

De non anticipanda Vigilia S. Matthiæ ratione carnis privii.

De Vigilia S. Matthiæ

1694.

Quæsitum fuit, à Sacrorum Rituum Congregatione declarari; An Vigilia S. Matthiæ Apostoli, occurrens hoc anno in Feria tertia post Dominicam Quinquagesimæ, possit ratione carnis privii anticipari cum jejuniis. Et eadem Sac. Congregatio respondit: Negativè, & jejuniis prædicta Feria tertia omnino servandum. Die 23. Januarii 1694.

A. Cardinalis Cybo.

Loco + Sigilli.

B. Inghiramus Sac. Rit. Congr. Secr.

DECRETUM.

Feria 6. Die 28. Januarii 1694.

IN Congregatione Generali S. Romanæ, & Universalis Inquisitionis habita in Palatio Apostolico Montis Quirinalis coram Sanctissimo Domino Nostro Domino INNOCENTIO Divinâ Providentiâ Papa Duodecimo, ac Eminentiſſimis, & Reverendiſſimis Dominis Sanctæ Romanæ Ecclesiæ Cardinalibus in tota Republica Christiana contra hæreticam pravitatem Generalibus Inquisitoribus à S. Sede Apostolica specialiter deputatis.

Sanctissimus D. N. INNOCENTIUS Duodecimus prædictus, auditis votis eorumdem DD. Cardinalium, ad præcavendas omnes dissidiorum causas, quæ Christianam pacem dilacerant tam verbis, quam scriptis super interpretatione, seu declaratione Formularii Alexandri Septimi in condemnationem quinque propositionum ex Libro Cornelii Janſenii, cui titulus est = *Augustinus* = excerptarum, & damnatarum, quoscumque alios sensus Formularii prædicti, præter eum, quem in sensu obvio ipsius verba exhibent, asserri, usurpari, aut de his disputari interdixit, & prohibuit, ac super ejusdem Formularii interpretatione, sicut & prædictarum propositionum, in alios sensus, præter eum, quem ipsa verba per se exhibent, omnibus, & singulis cuiusvis Religionis, Ordinis, Congregationis, Instituti & Societatis etiam de necessitate exprimendæ, Regularibus, & aliis quibuscumque tam Ecclesiasticis, quam Secularibus personis cuiuscumque status, conditionis, gradus, ordinis, & dignitatis tam Ecclesiasticæ, quam Secularis perpetuum silentium imposuit: Omnes verò libros, tractatus, theses, compositiones, scripta, ex professo, vel incidenter sub quovis prætextu, & occasione in lucem editos, vel edita super huiusmodi materia prohibuit, & pro prohibitis haberi voluit, & mandavit, iisdemque personis supra enumeratis districte injungit, ne in posterum audeant imprimere, vel imprimi facere, seu quoquo modo in lucem edere libros, tractatus, theses, compositiones, & scripta de superscripta materia tractantes, seu tractantia: Et ut huiusmodi Decretum inviolabiliter super omnibus in eo contentis observetur, præcepit, & declaravit, Contravenientes penas privationis Dignitatum, & Officiorum suorum, vocis activæ, & passivæ, facultatis concionandi, publicè legendi, docendi, & interpretandi ipso facto, absque alia declaratione, incurrere, & aliis etiam penis Sanctitatis Suae, & Successorum suorum Romanorum Pontificum arbitrio subiacere; Librosque omnes, tractatus, theses, compositiones, & scripta, quos, seu quæ contra dicti Decreti tenorem edi contingeret absque alia declaratione tamquam expressè prohibitos, vel prohibita haberi; Et Impressores præter amissionem Librorum, pecuniarum, aliisque corporalibus penis teneri, præcepit, & mandavit.

De intelligentia juxta sensum obviu & non alium Formularii in condemnationis propositionibus Janſenii.

Joseph Bartolus S. Romanæ, & Universalis Inquisitionis Notarius.

Loco + Sigilli.

Die 4. Februarii 1694. superscriptum Decretum affixum, & publicatum fuit ad Palatium S. Officii, & ad valvas Curia, aciei Campi Floræ, ac aliis locis solitis, & consuetis Urbis per me Franciscum Perinum Sanctissimi D. Nostri Papa, & Sanctissime Inquisitionis Cursorem.

Edit.